



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KТРО 0016825 18  
Sarajevo, 21.03.2022.godine

**SUD BOSNE I HERCEGOVINE**  
**S A R A J E V O**  
**Sudija za prethodno saslušanje**

Na temelju člana 35. stav 2. tačka i), člana 226. stav 1. i člana 227. Zakona o kaznenom postupku Bosne i Hercegovine, podižem

**O P T U Ź N I C U**

**Protiv:**

1. **Adnan Šalčin** rođen 1991.godine u Mostaru,

2. **Šefkija Vila** rođen 1966.g. u Tošćanici, općina Prozor,

### 3. **Pravno lice „Vilamont“ d.o.o. Jablanica,** [REDACTED]

Što su :

#### 1. **Adnan Salčin**

U toku 2016. i 2017. godine kao odgovorno lice i direktor u pravnom licu „Vilamont“, d.o.o. Jablanica u poreznim periodima 1607, 1611 i 1612, za 2016.godinu, izbjegao da plati davanja propisana poreznim zakonodavstvom Bosne i Hercegovine neprijavlivanjem realiziranog prometa u iznosu od 214.911,00 KM u prijavama poreza na dodatu vrijednost (PDV), o stečenim oporezivim prihodima pravnog lica „Vilamont“ d.o.o. Jablanica, na način da je postupajući protivno odredbama člana 4. stav 1., člana 8., člana 38. stav 3. i člana 39. stav 2. Zakona o porezu na dodatu vrijednost („Službeni glasnik BiH“, broj 09/05, 35/05, 100/08 i 33/17) i člana 3., člana 17., člana 78. i člana 79. Pravilnika o primjeni Zakona o PDV-u („Službeni glasnik BiH“, broj :93/05, 21./06, 60/06, 06/07, 100/07, 35/08 i 65/10) svjesno propustio obračunati i prijaviti izlazni PDV u vrijednosti od 36.535,00 KM Upravi za indirektno-neizravno oporezivanje Bosne i Hercegovine, s namjerom umanjenja obaveza po osnovu indirektnih poreza, čime je izbjegao plaćanje poreza na dodatu vrijednost u iznosu od 36.535,00 KM oštetivši na taj način budžet Bosne i Hercegovine-za navedeni iznos novca.

#### 2. **Šefkija Vila**

U toku 2016. i 2017. godine prvoosumnjičenom Adnanu Salčin iz Mostara, koji je po njegovom nagovoru, kao odgovorna osoba i direktor u pravnom licu „Vilamont“ d.o.o. Jablanica upisan u registar Općinskog suda u Mostaru rješenjem [REDACTED], davao upute i savjete kao stvarni vlasnik tog pravnog lica kao i odgovorna osoba- direktor firme „GMK MONTAŽA“ d.o.o. Jablanica, a u cilju sticanja protivpravne imovinske koristi, da u poreznim periodima 1607, 1611 i 1612 za 2016. godinu, ne vrši obračunavanje i prijavljivanje realiziranog prometa u iznosu od 214.911,00 KM u prijavama poreza na dodatnu vrijednost (PDV) o stečenim oporezivim prihodima pravnog lica „Vilamont“ d.o.o. Jablanica prema Upravi za indirektno-neizravno oporezivanje Bosne i Hercegovine, po kojim uputama i savjetima je osumnjičeni Adnan Salčin i postupio, iako je bio svjestan da na taj način prvoosumnjičeni Salčin postupa protivno odredbama člana 4. stav 1., člana 8., člana 38. stav 3. i člana 39. stav 2. Zakona o porezu na dodatu vrijednost („Službeni glasnik BiH“, broj 09/05, 35/05, 100/08 i 33/17) i člana 3., člana 17., člana 78. i člana 79. Pravilnika o primjeni Zakona o PDV-u („Službeni glasnik BiH“, broj: 93/05, 21/06, 60/06, 06/07, 100/07, 35/08 i 65/10), odnosno da je tako propustio obračunati i prijaviti izlazni PDV, u vrijednosti od 36.535,00 KM, s namjerom umanjenja obaveza po osnovu indirektnih poreza, oštetivši na taj način

*budžet Bosne i Hercegovine za navedeni iznos novca, nakon čega je rješenjem Općinskog suda u Mostaru [REDACTED] drugooosumnjičeni Šefkija Vila i upisan u sudski registar kao ovlašteno lice za zastupanje u unutarnjem i spoljnotrgovinskom prometu, direktor bez ograničenja za pravno lice „Vilamont“ d.o.o. Jablanica.*

**3. Pravno lice „Vilamont“ d.o.o. Jablanica, [REDACTED]**

*što je kao pravna osoba u redovnom poslovanju raspolagalo sa protivpravno ostvarenom imovinskom koristi u iznosu od 36.535,00 KM, koju je u ime, za račun i u korist istog ostvario osumnjičeni Adnan Salčin u svojstvu direktora- odgovorne osobe u pravnoj osobi, na način opisan u tački prvoj izreke ove Optužnice.*

*Dakle, izbjegavajući da plate davanja propisana poreznim zakonodavstvom Bosne i Hercegovine osumnjičeni Adnan Salčin nije pružio zahtjevane podatke, odnosno pružio je lažne podatke o stečenim oporezivim prihodima pravnog lica „Vilamont“ d.o.o. Jablanica koji su bili od uticaja na utvrđivanje iznosa obaveza, a iznos poreza čije se plaćanje izbjegava prelazi iznos od 10.000,00 KM, osumnjičeni Šefkija Vila pomagao osumnjičenom Adnanu Salčin davanjem uputa, savjeta, stavljanje na raspolaganje sredstava za učinjenje kaznenog djela u vezi pružanja lažnih podataka o stečenim oporezivim prihodima za osumnjičeno pravno lice koje su od utjecaja na utvrđivanje iznosa obaveza, a pravno lice „Vilamont“ d.o.o. Jablanica raspolagalo protivpravno ostvarenom imovinskom koristi.*

**Čime su:**

*Adnan Salčin pod tačkom 1. počinio kazneno djelo Porezne utaje ili prevare iz člana 210. stav 1. KZ BiH, Šefkija Vila pod tačkom 2. kazneno djelo Porezne utaje ili prevare iz člana 210. stav 1. KZ BiH, u vezi sa članom 31. istog zakona, te pravno lice „Vilamont“ d.o.o. Jablanica pod tačkom 3. kazneno djelo Porezne utaje ili prevare iz člana 210. stav 1. KZ BiH u vezi sa članom 124. istog zakona.*

**TUŽITELJSTVO-TUŽILAŠTVO BiH**  
**Tužitelj**